

SINLAI 10: 2 Kor. 4:16-5:10

THUPI

Gingtu a Hinna Nihte

TANGVOM: 5:1

*I omna lei a puanin pen hihsiat
in om mahleh van ah inn, khut
a lamlouh, tangtawn a om
ding, Pathian a kipan inn kip i
nei uh chih i thei uhi.*



TUNI SINLAI DING: 2 KOR. 4:16-5:10

4:16. Huai thu ziak in ka bahkei uhi; i pawlam mihing zawngkhal haihiai mahleh, i sunglam mihing pen niteng a bawlthak zel in a omzaw ahi. **17.** Ka gimthuakna neukha uh tu mitphiatkal sung kia a om ding in, thupina thupitak tangtawn a ding in a hon bawlsak hulhul ahi; **18.** Thil muhtheihte enlou in, thil muhtheihlouhte ka enzaw uhi; thil muhtheihte zaw sawtlou kal a ding ahi a, thil muhtheihlouhte bel tangtawn a ding ahizaw hi.

TUNI SINLAI DING: 2 KOR. 4:16-5:10

5:1. I omna lei a puanin pen hihsiat in om mahleh van a inn, khut a lamlouh, tangtawn a om ding, Pathian a kipan inn kip i nei uh chih i thei uhi. **2.** Van a kipan i omna ding silhthuah ut mahmah in hiai puanin ah thum chihtakin i thum gige uhi. **3.** Huchibang a silh in om leng vuaktang in i omkei ding uhi. **4.** Eite hiai puanin a i omsung in gikpua in thum petmah in i thum ngal ua, silhlou a om i utziak ahikei a, silhthuah a om i utziak ahi zaw, sithei pen hinna valhzoh a a om theihna ding in. **5.** Huan huai mahmah ding a hon sutuahpa khamna Kha hon pepa Pathian ahi.

TUNI SINLAI DING: 2 KOR. 4:16-5:10

6. Huchi in pumpi a i omlai teng in Toupa kiang ah i omkei chih thei in, muangtak in i om gige uhi. **7.** Muthei a pailou in, ginna in i paizaw zel uhi. **8.** Muangtak in i om, huan pumpi a omlou a Toupa kiang a om i utzaw hi. **9.** Huaiziak in om in, omkei leng, amah kipahlam mi hih i tum chinten ahi. **10.** Michih in sapum a thilhihte a sia a pha in, i hih bangbang a i muhchiat theihna ding in, Khrist thukhenna tutphah ma ah hihlat in i omvek ding uhi.

- **Sinlai 9 Etkikna:** *Gimthuakna a Toupa ompihna leh gimthuakna ziak*

I. GIMTHUAK NGAP NA ZIAK: 4:16-18

Paul leh a seppihte'n Khrist ziak a gimthuak a bahpih hetlough na ziak uh: leimi leh vanmi hihna a kibatlouhna a theihchiang luat ziak uh ahi.

Salam leh Khalam hihna hihte tehkak le:

16. *Huai thu ziak in ka bahkei uhi; i pawlam mihing zawngkhal haihiaia mahleh, i sunglam mihing pen niteng a bawlthak zel in a omzaw ahi.*

- **Salam:** pawlam mihing zawngkhal haihiaia (erosion)
- **Khalam:** sunglam mihing niteng a bawlthak zel a om.

I. GIMTHUAK NGAP NA ZIAK: 4:16-18

17. *Ka gimthuakna neukha uh tu mitphiatkal sung kia a om ding in, thupina thupitak tangtawn a ding in a hon bawlsak hulhul ahi;*

- **Leitung sapum a gimthuakna:** nehden a omna
 - Tangtawn a l nopsakna ding toh tehkak in *“neukha”* ahi. Hiai a *“neukha”* kichi *“zangkhai tak a pua”* genna ahi.
 - ...tehkak in *“mitphiatkal”* (tomchik sunglel) bangle ahi. Hiai gimthuaknate ziak a *“thupina thupitak”* a thop a om ding; huai in tangtawn daih ding hilai hi.

I. GIMTHUAK NGAP NA ZIAK: 4:16-18

18. *Thil muhtheihte enlou in, thil muhtheihlouhte ka enzaw uhi; thil muhtheihte zaw sawtlou kal a ding ahi a, thil muhtheihlouhte bel tangtawn a ding ahizaw hi.*

- **Thil muhtheihte enlou:** khovel thilte
 - Hiaite zaw sawtlou kal a ding ahi.
- **Muh theihlouhte enzaw:** khalam thilte
 - Hiaite tangtawn a ding ahi uhi.
- A gimthuaknate uh khalam mit a en a, tangtawn etzia a a et man un **bahse mailou in thuakzou zel** uhi.

II. SALAM LEH VAN PUMPI TEHKAKNA: 5:1-5

5:1. *I omna lei a puanin pen hihsiat in om mahleh van a inn, khut a lamlouh, tangtawn a om ding, Pathian a kipan inn kip i nei uh chih i thei uhi.*

- **Puanin:** mihing sapum genna ahi.
 - **John 1:14** “Amah I lak uah a hong teng hi” (tabernacled)
 - Jesu’n a thounawn pumpi pen “Biakin, khut a lamlouh” (Mk.14:58) chin ana gen hi.
 - I leitung sapum pen kise ding himahleh I van pumpi pen khut a lamlouh, tangtawn daih ding ahi.

II. SALAM LEH VAN PUMPI TEHKAKNA: 5:1-5

2. *Van a kipan i omna ding silhthuah ut mahmah in hiai puanin ah thum chihtakin i thum gige uhi.* **3.** *Huchibang a silh in om leng vuaktang in i omkei ding uhi.*

- A gimthuakna leh simmoh a omnate ziak in “*vuaktang*” a om bang in kingai sek hi.
- Hiai lei sapum simmoh a om in, nuihzabawlna lel a bawl in om mahleh, vanmi hihna *silhthuah sak* a I om Chiang in “vuaktang” in ki om nawnlou ding hi.
- Hiai hun ding ngaklah in thum in I mau uhi.

II. SALAM LEH VAN PUMPI TEHKAKNA: 5:1-5

4. Eite hiai puanin a i omsung in gikpua in thum petmah in i thum ngal ua, silhlou a om i utziak ahikei a, silhthuah a om i utziak ahi zaw, sithei pen hinna valhzoh a a om theihna ding in. 5. Huan huai mahmah ding a hon sutuahpa khamna Kha hon pepa Pathian ahi.

- Hiai lei sapum zaw **gikpua in thum** petmah in a thum hi.
- **Silhlou a om utziak hilou:** sihsan utziak hilou
- **Silhthuah utziak hizaw:** hinna in sihna a valh ding utziak

Hiai pen gingtute tan ding ahi: **Kha a chiamteh ihi.**

III. TULEL A GINGTUTE DINMUN: 5:6-10

6. *Huchi in pumpi a i omlai teng in Toupa kiang ah i omkei chih thei in, muangtak in i om gige uhi. 7. Muthei a pailou in, ginna in i paizaw zel uhi.*

- **I lei pumpi a om in gimthuak leh nehden in I om:** Toupa kiang ah I om naikei chihna lel ahi. A hon ngak I maban ding chianglua ahihman in lungmuang tak in I om gige.
- **Tua gimthuakna kal a lungmuang tak a I omtheih zia:** muantaklou muhtheih thilte a kinga lou a, tangtawn thilte a ginna toh pai ihihman ahi.

III. TULEL A GINGTUTE DINMUN: 5:6-10

8. Muangtak in i om, huan pumpi a omlou a Toupa kiang a om i utzaw hi. **9.** Huaiziak in om in, omkei leng, amah kipahlam mi hih i tum chinten ahi.

- **Paul leh a seppihte' lunggulh:** lei pumpi toh gimthuakna nawsia a Toupa kiang a om utzaw uhi.
- Huaiziak in, tu in om naikei le uh leng tua a utdan mah ua (*Pathian kipahlam hih*) a khosak hiai leitung ah leng sawm teitei uhi.

III. TULEL A GINGTUTE DINMUN: 5:6-10

10. *Michih in sapum a thilhihte a sia a pha in, i hih bangbang a i muhchiat theihna ding in, Khrist thukhenna tutphah ma ah hihlat in i omvek ding uhi.*

- Lei sapum a I thilhihte nasan Toupa mai a seltheih ding omlou hi. Nikhat **Toupa mai ah I ding ding** hi.
- Hiai thudik Paul in theichiang lua ahihman in hiai hunchiang a Toupa a kipan *“na hihhoih e, sikha muanhuai”* chih zak ding hiai **khovel a bahlou saktu** ahi.

THUKHITNA

Thumal nih:

ETERNAL PERSPECTIVE